

Эсэгэ ороноо, эхэ нютагаа эб хамта мандуулая!

БҮРЯАД АРАДАЙ ХУРАЛ

Бүгэдэ арадай сонин

1998
сентябриин
16

Намарай эхин
сагаан бишэн
нарын
26
гарагай 4
СРЕДА
№ 170 (20011)
Газетын сэн хэлсээтэ

1921 оной
декабриин
21-нээ гарана

Акционернэ бүлгэмүүдэй, элдэб түхэлэй зөөри эрхилдэг предприятинуудай, эмхи зургаануудай, банкнуудай, таряшанай болон фермерэй ажахынуудай хүтэлбэрилэгшэдтэ, олзын хэрэг эрхилэгшэдтэ, нютагайхидта ХАНДАЛГА

Хүндэтэ нютагайхид!

Октябриин 1- наһажаал хүнүүдэй уласхоорондын үдэр дүтэлэнэ. Энэ хадаа наһатай хүнүүдтэ наһыень һануулан үдэр бэшэ, харин наһажаал зоние онсо анхаралаар хүрээлэхэ, ажалы талаар, залуу үетэниие хүмүүжүүлгын талаар тэдэнэй аша габьяе дурдаха, Эсэгэ ороноо хамгаалгын дайнда тэдэнэй гаргаһан шэн зоригые хүндэлэхэ, мүнөө үеын ниитын ажабайдалда тэдэнэй эдэбхитэйгээр хабаадаһанай түлөө баяр хүргэхэ үдэр болоно.

Республикын дүрбэн хүнэй нэгэниинь наһатай болоһоной түлөө пенси абана, 8 мянга гаран наһажаал зон ганса бэе үлэнхэй, 10 мянгаад зон 80 наһа гаранхай.

Буряад Республикын Правительство социальна талаарнь хүн зоние хамгаалхые оролдон, тэдэнэй элүүр энхые сахилгада, зөөри шадалай дутамаг байлгын, гансаардалгын, социальна бусад нүхэсэлнүүдэй хойшолонгуудые зөөлэрүүлгэдэ шэглүүлэгдэһэн али болохо хэмжээнүүдые абана. Гэхэтэй хамта мүнгөөр хангалгын тогтууриггүй аад, гүйсэд бэшэ байһанай эсэстэ пенси түлэлгэ наатана, наһажаал зондо туһаламжа үзүүлэхэ ябадал түбэгтэй болоно.

Мүнөө үеын экономика доройтолгын эрхэ байдалда октябриин 1-нэй наһажаал зоной

үдэрые бэлдэхэ болон үнгэргэхэ хэрэгтэ хүн зоние социальна талаарнь хамгаалгын зургаануудта али болохо дэмжэлгэ үзүүлэхэ, шадалайнгаа зэргээр мүнгэнэй гү, али материална хуби нэмэри оруулха, танай хамаата дайнай ба ажалы ветерануудые, Эсэгэ ороноо хамгаалгын Агууехэ дайнда унагшад хани эхэнэрнүүдые, пенсионернүүдые анхаралгүй бү орхиёл гэхэн уряатайгаар Буряад Республикын бүхы эрхэтэдтэ, бүхы шата, түхэлэй зөөри эрхилдэг предприятинуудай, эмхи зургаануудай хүтэлбэрилэгшэдтэ, бусад зоной зуд зоболоние сэдхэлдээ дүтэ абадаг бүхы хүнүүдтэ ханданабди.

Энэрхы сэдхэлтэй байял!

Мүнгээ бюджетһээ гадуур имэ дугаарта оруулжа болохо гэбэл:

№ 4060381080000000022 БИК 000142001

ИНН 0323080765 в ГРКЦ Национального банка Республики Бурятия, г.Улан-Удэ, Министерство социальной защиты населения и труда Республики Бурятия.

Тон лэ ядуу шадалтай наһажаал зон туһаламжа абаха гэжэ батаар найдаха түгэс үндэһэтэйт.

Буряад Республикын Хүн зоние социальна талаар хамгаалгын болон ажалы министерство.

Буряад Республикын Президентын

Зарлиг

БУЛДАЕВ С.Н. тухай

Ондоо хүдэлмэридэ орохо болоһонтойнь дашарамдуулан, БУЛДАЕВ Сергей Николаевиче Буряад Республикын Арадай Хуралда болон Буряад Республикын Конституционно сүүдтэ Буряад Республикын Президентын Этигэмжэтэ түлөөлэгшын тушаалһаа сентябриин 20-һоо сүлөөлхэ.

Буряад Республикын Президент А.В.ПОТАПОВ.

Улаан-Удэ.

Правительствын байшан.

1998 оной сентябриин 10.

№182.

Буряад Республикын Президентын

Зарлиг

ТАБАЛАЕВ А.П. тухай

1. Буряад Республикын Арадай Хуралда болон Буряад Республикын Конституционно сүүдтэ Буряад Республикын Президентын Этигэмжэтэ түлөөлэгшөөр ТАБАЛАЕВ Лев Павловиче сентябриин 20-һоо томилхо.

2. Хүсэндөө байһан хуулин ёһоор хараалагдаһан салин хүлһэндэ нэмэлтэнүүдые бүрин орхёдо, Буряад Республикын Президентын 1997 оной августын №78-РП захиралтын 1-дэхи пунктые А.П.Табалаевта хабаадуулха.

3. Буряад Республикын Арадай Хуралда болон Буряад Республикын Конституционно сүүдтэ Буряад Республикын Президентын Этигэмжэтэ түлөөлэгшэ А.П.Табалаевта гадаадын экономика харилсаа холбоонуудай талаар Буряад Республикын Президентын зүбшэлэгшын уялгануудые гүйсэдхэхыень даалгаха.

Буряад Республикын Президент А.В.ПОТАПОВ.

Улаан-Удэ.

Правительствын байшан.

1998 оной сентябриин 10.

№183.

АЗИИН БУРХАН ШАЖАНТАНАЙ ХУРАЛДААН

Россия буддын шажантанай Заншалта Сангхын Толгойлогшо Хамба-лама Дамба Аюшеев түрүүтэй делегаци Монгол ороной нийслэл Улаан-Баатар хотодо боложо байгаа Азийн Бурхан шажантанай Энхэ тайбанай Бага хуралай (АБКМ) Генеральна конференцидэ хабаадаад бусаба. Россия буддын шажантаные АБКМ-эй Буряадай үндэһэнэй түбэй хамба-лама түрүүтэй 6 хүнөө бүридэһэн делегаци, АБКМ-эй Агын үндэһэнэй түбэй дид-хамба Цырен Дондукбаев түрүүтэй 3 хүнөө бүридэһэн делегаци, Тыва Республикын буддын шажантанһаа 1 хүн түлөөлһэн байна.

Азийн Энхэ тайбанай Бага хуралай Буряадай үндэһэнэй түбөө Сартуул-Гэгээтэйн дасанай шэрээтэ М.Чойонов, Эгэтын дасанай шэрээтэ Б.Цыремпилов, Сангхын секретарь Б.Дондоков, Сангхын хэблэлэй түбэй худэлмэрилэгшэ Б.Раднаев хуралдаанда хабаадаба.

Имзетэй ДАБАЕВ.

ҮБЭЛЫЕ ДАБАХА ЗАМ УТАШЬЕ, БЭРХЭШЬЕ

Дулаа үгэлгын сезон тулажа ерэнхэй. Гэбэшье мүнгэ зөөрин дутадаһан ушарһаа республикын нийслэл хотын гэр байрын-коммунальна ажахын дулаа үгэдэг объектуудай бэлдэхэ Правительстве ехэ наанаата болгоно. Жэшэнь, 1-дэхи, 2-дохи ТЭЦ-үүдэй котлоагрегадуудые заһабарилха, дулаа дамжуулдаг 6-дэхи магистраль бариха, 42-дохи кварталда дулаа дамжуулдаг трассые һальбэн шэнэдхэхэ хэрэгтэй. Тэрэшлэн мүнгэнэй үгы дээрэһээ Восточный, Загорск, Зелёный, Солдатский, Исток посёлогуудые, 102-дохи

кварталые, 502-дохи километрэй байрын гэрнүүдые дулаагаар, уһаар, зайн галаар хангалгын асуудал тон шахардуу байдалтай. Имагтал Улаан-Удын муниципальна предприятинуудта түлишын сезондо 29 мянган тонно нүүрһэн хэрэгтэй.

Тохёолдоһон байдалые хараада абан, республикын Правительство заһабарилгын хүдэлмэри бэлүүлгэдэ юридическэ, физическэ нюурнуудые хабаадуулха талаар нэмэлтэ хэмжээнүүдые абахыень хотын захиргааниие уялгалаа. «Бурятэнерго» ОАО үбэлэй урлахи

хүдэлмэринүүдые бэлүүлгын, тэрэ тоодо электрын элшэ хүсөөр хангалгын, түлишын нормативна нөөсэ байгуулгын талаар гээгдэл усадхаха хэмжээнүүдые абаха ёһотой.

Промышленностиин, энергетикын болон худалдаа наймаанай министерство, Улаан-Удын захиргаан 1-дэхи, 2-дохи ТЭЦ-үүдэй, үйлэдбэрийн-заһабарилгын предприятиин коллективүүдтэ салин хүлһэнэй үриие бусааха графигые гүйсэдхэлгэдэ онсо анхарал хандуулха ёһотой.

Президентын ба Правительствын хэблэлэй албан.

БУРЯАД РЕСПУБЛИКЫН ПРАВИТЕЛЬСТВЫН ТОГТООЛ

ХОЛЫН ХОЙТО ЗҮГЭЙ РАЙОНУУДАНАА БОЛОН ТЭДЭЭНТЭЙ АДЛИДХАГАДАНАН НЮТАГУУДАНАА ЗӨӨЖЭ ГАРАГША ЭРХЭТЭДТЭ ҮГТЭДЭГ ГЭР БАЙРЫН НОМОЛОЛГОНУУД ТУХАЙ

Холын Хойто зүгэй районуудта адлидхагдаһан районуудһаа зөөжэ гарагша эрхэтэдтэ гэр байра барилгада гү, али худалдажа абалгада шэглүүлэгдэдэг гэр байрын номололгонууды ашагалгын хойноһоо хиналта бэсүүлхэ зорилгоор, «Холын Хойто зүгэй районуудһаа болон тэдээнтэй адлидхагдаһан нютагуудһаа зөөжэ гарагша эрхэтэдтэ үгтэдэг гэр байрын номололгонууд тухай» 1998 оной июлиин 25-най №131-ф3 Федеральна Хуулигай зохилдуулан, Буряад Республикын Правительство иигэжэ тогтооно:

1. Холын Хойто зүгэй районуудта болон тэдээнтэй адлидхагдаһан нютагуудта 15 жэлһээ бага бэшэ хүдэлхэн стажтай гү, али тэндэ эды тухай саг соо ажаһуужа байдаг аад, Россин Федерациин бусад районуудта гэр байрагүй эрхэтэдтэ федеральна бюджетһээ үгтэдэг гэр байрын номололгонууды абаха эрхэтэй.

Заагдаһан Федеральна Хуулинуудтай зохилдуулан, гэр байрын номололгонууды абаһан эрхэтэдтэ гэр байра барилгада (худалдан абалгада) федеральна бюджетдэй мүнгэ зөөриһөө гүрэнэй туһаламжа абалгын бусад түхэл янзануудта хүртэхэ эрхэтэй.

2. Холын Хойто зүгэй районуудта адлидхагдаһан республикын Хойто зүгэй районуудһаа зөөжэ гарагша эрхэтэдтэ гэр байра барилгада гү, али худалдан абалгада Буряад Республикын Правительствада 1998 ондо үгтэһэн 20 миллион түхэригэй гэр байрын номололгонууды, 0,8 миллион түхэригэй (район бүхэндэ 0,2 миллион түхэригэй) 1997 оной үри зээлине тоололсон, шэглүүлхэ гэбэл: Хойто-Байгалай райондо - 4,94 млн. түхэриг, Муяын райондо - 5,46 млн. түхэриг, Баунтын райондо - 2,9 миллион түхэриг, Северобайкальск хотодо - 6,7 млн. түхэриг.

Заагдаһан районууд, хотонуудһаа 1992 оной январин 1-һээ урагша бэшэ зөөжэ гараһан, ажаһуудаг шэнэ газартаа гэр байрын эрхэ байдалы ашагалуула шухала хэрэглэмжэтэй болон 1998 оной июлиин 25-най №131-ф 3 Федеральна Хуулигай зохилдуулан, гэр байрын номололгонууды абаха эрхэтэй эрхэтэдтэ гэр байрын номололгонууды үгэдэгдэ заагдаһан мүнгэ зөөриһөө 5 процент хүртэһэн хэмжээһээ ашаглаха.

3. Холын Хойто зүгэй районуудһаа, тэдээнтэй адлидхагдаһан нютагуудһаа 1992 оной январин 1-һээ урагша бэшэ зөөжэ гараһан эрхэтэдтэ гэр байрын номололгонууд болон Холын Хойто зүгэй районуудһаа, тэдээнтэй адлидхагдаһан нютагуудһаа 1992 оной январин 1-һээ урагша бэшэ зөөжэ гараһан эрхэтэдтэ гэр байрын номололгонууд федеральна бюджетһээ мүнгэ зөөри үгэлгын гуримаар хараалагдаһан аад, Россин Федерациин Правительствон зохёон бэлдэжэ байһан эрхэ дүримэй үндэһээр үгтэхэ.

4. Буряад Республикын Финансын министерство 1999 оной нэгдэһэн агаарта, Холын Хойто зүгэй районуудта адлидхагдаһан республикын районуудһаа 1992 оной январин 1-һээ урагша бэшэ зөөжэ гараһан эрхэтэдтэ гэр байрын номололгонуудта мүнгэ зөөри үгэһэн тухай мэдээсэл Буряад Республикын Арадай Хуралда дамжуулаха.

5. Байгал-Амарай түмэр замай оршондо хуушарһанай орондо гэр байра барилгада Буряад Республикын Правительствада 1998 ондо үгтэһэн 6,6 миллион түхэригы шэглүүлхэ гэбэл: Хойто-Байгалай райондо - 2,0 млн. түхэриг, Муяын райондо - 2,4 млн. түхэриг, Северобайкальск хотодо - 2,2 млн. түхэриг.

Буряад Республикын Экономикын болон гадаадын харилсаанай министерство заагдаһан лимидүүды неделин болзорто объектүүдээр хубаарилан, захилашта хүргэхэ.

6. Үгтэһэн гэр байрын номололгонууды Баунтын, Муяын, Хойто-Байгалай районуудай, Северобайкальск хотын нютагай өөһэдын хүтэлбэрин зургаанууд усадхагдажа байһан эмхинүүдтэ хүдэлдэг, хаагдажа байһан хотонуудта, посёлогуудта болон полярна станцинуудта ажаһуудаг эрхэтэдтэ, мүн инвалидуудта, тэрэ тоодо Холын Хойто зүгэй районуудта, тэдээнтэй адлидхагдаһан нютагуудта түрэн бага наһанһаа инвалидуудта, календарна нэгэ жэлһээ үлүү сагта ажалгүйдэгшэдэй бүридхэлдэ абтаад байһан пенсионерүүдтэ, эрхэтэдтэ тон түрүүн шэглүүлхэ.

Эмхинүүды усадхаха, хотонууды, посёлогууды, полярна станцинууды хааха тухай шийдхэбэринүүды гүрэнэй засагай зургаанууд абадаг.

7. Гэр байра барилга (худалдан абалга) тухай хэлсэһэн байһан ушарта эрхэтэдтэ үгтэдэг гэр байрын номололгын хэмжээн удаадахи нүхэсэлнүүдтэй зохилдуулан тодорхойлогдодог:

- гэр байрын номололгонууды абаһан эрхэтэдтэ зөөжэ ошоһон Россин Федерациин субъектын (саашаа - зөөжэ ошоһон регион) дэбисхэртэ тогтоогдоһон,

зөөжэ гарагша гэр бүлын гэшүүндэ тогтоогдоһон байрын талмайн социальна нормо;

- гэр байрын номололго үгэһэнэй урдахи кварталда бүхыдөө Россин Федерациин дэбисхэр дээрэ бүридхэһэн, жиир олоор баригдаһан гэрнүүдтэхи байрын ниитэ талмайн нэгэ дүрбэлжэн метрэй үнэ сэнһээ үлүү гарадаггүй, зөөжэ ошоһон региондо бүридхэһэн байрын ниитэ талмайн нэгэ дүрбэлжэн метры барилгын (худалдан абалгын) дундуур үнэ сэн;

- Холын Хойто зүгэй районуудта, тэдээнтэй адлидхагдаһан нютагуудта эрхэтэнэй хүдэлхэн стаж (ажаһууһан саг).

Эрхэтэндэ үгтэдэг гэр байрын номололгын хэмжээн хадаа Холын Хойто зүгэй районуудта, адлидхагдаһан нютагуудта тэрэнэй хүдэлхэн стажһаа (ажаһууһан сагһаа) дуудыдан, зөөжэ ошоһон региондо гэр байра барилгын (худалдажа абалгын) үнэ сэнгэй 80-100 процентдэ хүрэдэг.

8. Эрхэтэндэ үгтэдэг гэр байрын номололгын хэмжээнэй Холын Хойто зүгэй районуудта, тэдээнтэй адлидхагдаһан нютагуудта хүдэлхэн стажһаа (ажаһууһан сагһаа) дуудыдага удаадахи хүсэһэнгэй шатануудаар тодорхойлогдодог:

Ажалтай стаж (ажаһууһан саг)	Үгтэдэг гэр байрын номололгын хэмжээн гэр байра барилгын (худалдан абалгын) үнэ сэнһээ процентээр
15-һаа 20 жэл хүртээр	80
20-һоо 25 жэл хүртээр	85
25-һаа 30 жэл хүртээр	90
30-һаа 35 жэл хүртээр	95
35-һаа дээшэ	100

Ажалгүйдэгшэдэй тоодо календарна нэгэ жэлһээ дээшэ бүридхэлдэ абтаад байһан пенсионерүүд, эрхэтэдтэ Холын Хойто зүгэй районуудта, тэдээнтэй адлидхагдаһан нютагуудта хүдэлхэн стажай болон ажаһууһан сагай ниитэ хэмжээ тооложо гаргахадаа, эдэ районууд болон нютагуудтахи хүдэлмэрийн стаж пенсидэ гараһан гү, али эдэ районууд, нютагуудта ажалгүйдэгшын тоо бүридхэлдэ абтаад ажаһууһан сагай хахадтай хамтадхагдадаг.

Холын Хойто зүгэй районуудта, тэдээнтэй адлидхагдаһан нютагуудта түрэн бага наһанһаа инвалидуудта үгтэдэг гэр байрын номололгын хэмжээ тодорхойлхын тула заагдаһан районуудта, нютагуудта тэдэнэй ажаһууһан сагы түрэн сагһаан тоолон гаргадаг.

Гүрэнэй засагай зургаануудай шийдхэбэрсэр Холын Хойто зүгэй районуудта, тэдээнтэй адлидхагдаһан нютагуудта эмхинүүдэй усадхагдаһан болоод, хотонуудай хаагдаһан ушарта эрхэтэдтэ үгтэдэг гэр байрын номололго гэр байра барилгын (худалдан абалгын) үнэ сэнгэй 100% хэмжээгээр тодорхойлогдодог.

9. 1998 ондо Хойто-Байгалай, Муяын, Баунтын районуудһаа, Северобайкальск хотоһоо зөөжэ гарагша эрхэтэдтэ список болон бүлэ бүхэндэ үгтэхэ гэр байрын номололгын дэб дээрэхи (тоолон гаргагдаһан) хэмжээн Буряад Республикын Правительствон 1997 оной мартын 20-ной 81- дүгээр тогтоолой ёһоор байгуулагдаһан районно болон хотын комиссинуудаар тодорхойлогдожо, нютагай өөһэдын хүтэлбэрин толгойлогшо доор баталагдадаг.

Ниитэ талмайн 1 дүрбэлжэн метрэй үнэ сэнгэй гэр байрын ниитэ талмайн социальна нормотой зохилдуулан, гэр байрын ниитэ талмайн хэмжээнэй нэгэ дүрбэлжэн метр барилгын (худалдан абалгын) дунда зэргын үнэ сэнһээ үлүү гараагүй байһан ушарта гэр байрын номололгын бодото хэмжээн худалдан абалга-наймаалалга тухай баталагдаһан хэлсэһэнэй үндэһээр тодорхойлогдодог.

10. Зөөжэ гарагша эрхэтэдтэ хүлһөөр гү, али арендээр эзэлжэ байһан гүрэнэй болон муниципальна жасын гэр байра, мүн үмсэлэгдэһэн гэр байра ажаһуудаг шэнэ газартаа эрхэтэдтэ гэр байра абажа, тоо бүридхэлдэ ороһоной үлүүһээр харын болзорто ажаһуудаг хуушан газартаа нютагай өөһэдын хүтэлбэрин зургаануудта заатагүй тушаагдаха (дамжуулагдаха) ёһотой. Худалдан абалга-наймаалгын хэлсээгээр гэр байраа дамжуулаһан эрхэтэдтэ энэ байрынгаа үнэ сэн хороолготойгоор гэр байрын номололгонууды абаха эрхэтэй.

11. Хойто-Байгалай, Муяын, Баунтын районуудай, Северобайкальск хотын нютагай өөһэдын хүтэлбэрин зургаанууд бол гэр байрын номололгонууды эрхэтэдтэ үгэһэн тухай нютагай өөһэдын хүтэлбэрин зургаануудаар баталагдаһан комиссийн шийдхэбэри,

бүлын бүридэл, ажаһуудаг газар тухай справка, заагдаһан районуудта хүдэлхэн стаж (ажаһууһан саг) баталһан документүүд, гэр байраа дамжуулаха тухай эрхэтэдтэ зүбшөөл Буряад Республикын Экономикын болон гадаадын харилсаанай министрствэдэ баридат.

12. Гэр байра худалдан абалга-наймаалалга тухай хэлсэһэнүүды баталхын тула Хойто-Байгалай, Баунтын, Муяын районуудай, Северобайкальск хотын нютагай өөһэдын хүтэлбэрин зургаанууд тус тогтоолой 2-дохи пунктаар хараалагдаһан мүнгэ номололгын хэмжээн соо гарангийн зохихо бэшгүүды (хабсаргалтатой зохилдуулан) худалдажа абаһан гэр байрын ниитэ талмайе, бүлын бүридэлые, мүн эрхэтэндэ үгтэһэн гэр байрын номололгын хэмжээ заалгатайгаар эрхэтэдтэ үгэдэг байха.

13. Гэр байрын номололгонуудай бодото бэшэ түхэлөөр эрхэтэдтэ үгтэдэг хараада абан, Буряад Республикын Финансын министерство гэр байра барилга (худалдажа абалга) тухай хэлсэһэнүүдэй байһан ушарта гэр байрын номололгонуудай мүнгэ зөөри хубаарилгы хараада абан, Буряад Республикын Экономикын болон гадаадын харилсаанай министрствээр тогтоогдодог ээлжэһэнэй ёһоор зөөжэ ошоһон региондо гэр байра барилгадта (гэрэй эзэдтэ) зохихо мүнгэ зөөри сан жасын гуримаар эльгээлгы хангаха.

Гэр байрын номололгонууд эрхэтэнэй өөрынгөө гү, али зээлийн мүнгэ зөөри (бодото бэшэ түхэлөөр) гэр байра барилгада (худалдан абалгада) дутагдаһан хэмжээгээр оруулаһанай үлүүһээр сан жасын гуримаар эльгээгдэдэг.

14. Гэр байрын номололгонууды абаха болоһон эрхэтэн тэрэ номололгынгоо хэмжээн соо саг үргэлжын ажаһуудалай гэр байрануудта табигдадаг эрилтэнүүдтэй зохилдоһон гэр байра өөрынгөө гү, али зээлийн мүнгэ хабаадуулангүй худалдажа абаха эрхэтэй. Бүлэдэ хүртэдэг гэр байрын талмайн социальна нормоһоо доогуур ниитэ талмайтай гэр байра худалдажа абалга зүбшөөгдэдэг, гэбэшье тус гэр байра зөөжэ ошоһон региондо гэр байрын эрхэ байдалы ашагалууһын тула тоо бүридхэлдэ орохын тула тогтоогдоһон социальна нормоһоо бага бэшэ талмайтай байха ёһотой.

15. Эрхэтэдтэ гэр байрын номололгонууды үгэхэ ээлжэһэн, мүн зөөжэ гарагша эрхэтэдтэ эзэлжэ байһан гэр байраа тушаалгын болон тэрэниие саашадаһан ашагалгын гурим Россин Федерациин хуули ёһотой зохилдуулан, Хойто-Байгалай, Баунтын, Муяын районуудай, Северобайкальск хотын нютагай өөһэдын хүтэлбэрин зургаануудаар тодорхойлогдодог.

16. Статистикын талаар Буряад Республикын Гүрэнэй комитет Россин Федерациин субъектүүдэй шэнэ болон хуушан гэр байрын дэлгүүртэхи квартирануудай ниитэ талмайн 1 дүрбэлжэн метрэй үлүүһын квартал дунда зэргын үнэ сэнгүүдэй мэдээһнүүды Россин Госкомстадһаа квартал бүхэндэ абалга болон Буряад Республикын Экономикын болон гадаадын харилсаанай министрствэдэ дамжуулгы хангаха.

17. Тус тогтоол гүйсэдхэлгын хойноһоо хиналта Буряад Республикын Президентын Хиналтын управлендэ (Белоколодов Н.М.) даалгаха.

Буряад Республикын Правительствон уялга гүйсэдхэгшэ В.К.АГАЛОВ.
Буряад Республикын Президентын болон Правительствон хэрэгүүды эрхилэгшэ - Захиргаанай хүтэлбэрилэгшэ Н.И.БЫКОВ.
1998 оной сентябриин 4
№298.

Буряад Республикын Правительствон 1998 оной сентябриин 4-нэй 298-дахы тогтоолой хабсаргалта ГАРАНТИЙНОЕ ПИСЬМО

Дано гражданину(ке) _____ проживающему(ей) в _____ с учетом состава семьи _____ человек согласно социальной нормы площади жилья право приобрести квартиру площадью _____ кв. метров.

В соответствии с постановлением Правительства Республики Бурятия от _____ 1998г. № _____ и решением районной комиссии по распределению жилищных субсидий для выезжающих из _____ района выделяются жилищные субсидии в размере _____ % от стоимости строительства (приобретения) жилья при условии, что стоимость 1 кв.м. общей площади жилья не должна превышать _____ рублей.

Глава местного самоуправления _____ района



БАЙГАЛ ШАДАР АРЮУХАН ГҮ?



можын залуушуулай түбье даагша Л.М.Вередкина, залуушуулай аянишалгын түбэй директор М.И.Лукина болон бусад тус форумдо хабаадаба.

«Бид, хүнтүрэлтэн, дэлхэй дээрхи хүлшынгээ уна, агаараа бузаруулаад, ургамалаа, амитадаа бултыень хюдажа дуунахадаа, мүнгэн гэшые эдижэ болодоггүй хаям гэжэ хожомдон ойлгохобди», - гэһэн ханамжа түбэй телевидинер нэгэнтэ бэшэ шагнаһан байхат.

Үнэхөөрөөшье, хэзээ нэгэнтэ манай дэлхэйһээ юунышье үлэхэгүйдөө магадгүй. Илангаяа Эхэ байгаалидаа хандасаарнай бодоходо, ажамидаралайманай эсэ, дэлхэйн хосоролго холо бэшэ. Бидэ хомхой хобдогоор, хайра гамгүйгөөр, хараһанаа үбэришлөөд, эбдээд, бузарлаад хаяжархидаг зантайбди. Тиин дэлхэйн баялиг болохо Байгал далайманай аюултай байдалда оронхой, арюун сэбэр уһанишь бузарлагдажа, ургамал, амитадынь үсөөрнэ. Тиимэһээ мүнөө сагай шийдхэгдээгүй асуудалнуудай шухалануудайнь нэгэн хадаа Байгал далайманай хуби заяан болоно

гээшэ. Зүгөөр энээндэ хүн бүхэнэймнай ханаагаа зобожо, оролдолго хээгүй наа, үрэ дүн гарахагүй бишу.

Һүүлэй үедэ үхибүүдэй экологическа талаар болборол, хүмүүжүүлгэдэ онсо, ехэ анхарал хандуулагдажа эхилэнхэй гээшэ ааб даа. Юундэб гэхэдэ, хүн бүхэнэй байгаалида хандасыень хубилгаха хэрэгтэй, мүн тэдэнэр байгаалингаа байдал тухай мэдэхэ ёһотой. Ямар аргаар?

Энээн тушаа форум-семинарай хоёрдоху үдэртэ хэлсэгдээ.

Үглөөнэй 9 саһаа 13 саг болотор «Рынок возможностей» гэһэн презентаци үнгэрһэн байна. Эндэ Эрхүүгэй можогооо, Буряаднаа байгаали хамгаалгада хабаатай бүхы эмхинүүдэй (хургуулинуудай, клубуудай, түбүүдэй, музейнүүдэй, комитедүүдэй, бүлгэмүүдэй, национальна паркнуудай, хүүгэдэй саадуудай, олондо мэдээслэтарайдаг хэрэгсэлнүүдэй, дээдэ хургуулинуудай) түлөөлэгшэд сугларжа, ажалайнгаа амжалтанууд, шийдхэгдээгүй асуудалнууд тухай хөөржэ үгөө.

«Стратегия и тактика пилотного проекта» гэһэн асуудалаар Б.Раушельбах элидхэлхэһэн. Тус проектдэ 3 тала хабаадана: Буряад Республика, Эрхүүгэй можо

болон Германи гүрэн. Проект зохёогиод Эрхүүдэ, Буряадта олон янзын асуулта, шэнжэллэгнүүдые үнгэргэжэ, хүнүүд хэрээрэ Байгал тухай мэдэнэб гэжэ шалгаһан байна. Тиин олонхи зомнай Байгалайнгаа мүнөөнэй байдал тухай һайн мэдэхэгү байгаа, мүн дэлхэйн зэндэмэни гээд, алдаршаһан суута далай тухай мэдээслнүүд тон үсөөн гэжэ тэмдэглэгдэһэн юм. Тиимэһээ тэдэнэр энээн тухай баримтануудые суглуулаад, тэдэниие, согсолжо, олондо тарааха зорилго урдаа табиһан юм. Тус проект бэлүүлхын тула экологическа мэдээслэй база хүгжөөхэ хэрэгтэй. Байгал шадарай геомэдээслэй системэ байгуулха, Эрхүү Буряад хоёрой хоорондо мэдээслэй талаар андалдаа эмхидхэхэ, Байгалай хуби заяа шийдхэлгэдэ олон зониие хабаадуулха, олонийтын мэдээ үргэдхэхэ, сугларһан мэдээслнүүдые экологиин талаар хүмүүжүүлгэдэ хэрэглэхэ шухала.

Энэ проектын туршалга Баргажанай-Адагта үнгэргэгдэхэ юм. Бүхы суглуулагдаһан баримтанууд тус хууринай хургуулийн программа оруулагдаха. Гадна зоний дунда ойлгууламжын ажалайбуулагдаха юм. Удаань тодорхой болзорой



Байгша оной сентябриин 12-13-най үдэрнүүдтэ Буряадай Эрдэмэй түбэй конференц-залдо «Тасис» программын үндэһөөр «Байгал шадарай регионуудай зониие экологическа мэдээслэй талаар хангалга» гэһэн нэртэй проект зүбшэн хэлсэлгын форум-семинар үнгэрбэ. Энэ форум үнгэргэхэ тухай байгша оной март нара соо зүблөөн хэлсэгдэһэн байгаа.

Хуралдаанда Буряад Республикаын, Эрхүүгэй можын болон Германиин эрдэмтэд хабаадаһан байна. Түрүүшын үдэр экологиин эрдэмэй кандидат Баира Дариева, биологиин эрдэмэй кандидат Нина Дагбаева гэшэд семинарта хабаадагшадые проектынгээ зорилготой танилсуулаа. Мүн Эрхүүгэй можын биологиин эрдэмэй кандидат Елена Кузванова «Проектын хахад жэлэй дүнгүүд, туйлалтанууд болон шийдхэгдээгүй асуудалнууд» гэһэн элидхэл хээ. Тиихэдэ Германиин Эшборн хотын эрдэмтэд господин Г.Шиндлер, Б.Раушельбах болон У.Хайтман гэшэд Байгал шадарай экологическа байдалай талаар болон бусадийе асуудалнуудаар элидхэлнүүдые хэһэн байна.

Ивалгын аймагай Хурамын дунда хургуулийн багша Т.М.Очирова, Баунтын



туршада үхибүүдэй, бүдүүн зоний бэе бээдэ, байгаалидаа хандасань хубилаа гү гэжэ адаглагдаха. Хэрбээ тус проектын амжалтатайгаар үнгэрөө наань, эдэнэр ажалаа үргэдхэхэ болоно.

Иимэ проект бэлүүлхын тула ехэ мүнгэн хэрэгтэй гээшэ ааб даа. Германиин тала энэ хүдэлмэри мүнгөөр хангаха ёһотой.

Семинарай түгэсхэлдэ үгэ хэлэһэн хүнүүд энэ проект амжалтатай байха ёһотой гэжэ тобишолол хээ.

Светлана ЖИГЖИТОВА,
Дыжит МАРХАДАЕВА.
ЗУРАГУУД ДЭЭРЭ: форумой үедэ.

Аркадий БАТОМУНКУЕВАЙ фото.

ХҮНДЭТЭ НЭРЭ ЭЭРГЭНҮҮД, ХҮНДЭЛЭЛЭЙ ГРАМОТАНУУД

Ой модоной промышленностие хүгжөөлгэдэ габьяатай байһанайнь, үни удаан саг соо аша үрэ ехэтэйгээр хүдэлмэрилһэнэйнь түлөө Буряад Республикын Президент 1998 оной сентябрин 8-най Зарлигаар республикын ой модоной промышленностиин хүдэлмэрилэгшэдтэ Буряад Республикын хүндэтэ нэрэ зэргэнүүдые олгохо гэбэл:

«БУРЯАД РЕСПУБЛИКЫН ГАБЬЯАТА ИНЖЕНЕР»

ЛУКЪЯНОВ Александр Михайловичта - акционернэ «Сэлэнгын ЦКК» бүлгэмэй техникскэ директор.

«БУРЯАД РЕСПУБЛИКЫН ХАНГАЛГЫН АЛБАНАЙ ГАБЬЯАТА ХҮДЭЛМЭРИЛЭГШЭ»

УТИМИЩЕВА Зоя Шакировна - хизаар лагдамал харюусалгатай «Забайкаллес-комхоз» бүлгэмэй директор

«БУРЯАД РЕСПУБЛИКЫН ПРОМЫШЛЕННОСТИИН ГАБЬЯАТА ХҮДЭЛМЭРИЛЭГШЭ»

БАРГУЕВА Зинаида Матвеевна - «Забайкаллес» ой модоной промышленна компани гэжэ гүрэнэй предпрятиин ахмад мэргэжэлтэ.

Хотын зайн галай транспортые хүгжөөлгэдэ габьяатай байһанайнь, үни удаан саг соо оролдосо үүсхэлтэйгээр хүдэлмэрилһэнэйнь ба ниитын хүдэлмэридэ эдэбхитэйгээр хабааһанайнь түлөө Буряад Республикын Президент 1998 оной сентябрин 8-най Зарлигаар «Трамвайн управлени» гэжэ муниципальна предпрятиин профсоюзай комитедэй түрүүлэгшэ **МАСТЫГИНА**

Александра Васильевна «Буряад Республикын транспортын габьяата хүдэлмэрилэгшэ» гэхэн хүндэтэ нэрэ зэргэ олгохо.

Барилгын талаар габьяатай байһанайнь ба үни удаан саг соо аша үрэ ехэтэйгээр хүдэлмэрилһэнэйнь түлөө Буряад Республикын Президент 1998 оной сентябрин 7-ной Зарлигаар республикын барилгын эмхинүүдэй хүдэлмэрилэгшэдтэ Буряад Республикын хүндэтэ нэрэ зэргэнүүдые олгохо гэбэл:

«БУРЯАД РЕСПУБЛИКЫН ГАБЬЯАТА БАРИЛГАШАН»

ДАВЫДОВ Леонид Ивановичта - акционернэ «Сантехмонтаж» бүлгэмэй генеральна директор;

ИВАНОВА Нина Павловна - «Улан-Удэстройзаказчик» гэжэ муниципальна предпрятиин гол мэргэжэлтэ;

МАКАЕВ Радик Идиятовичта - Зүүн Сибирийн түмэр замай Северобайкальскын захилшадай бүлэгэй начальник;

МАКСИМОВА Галина Дмитриевна - акционернэ «Жилгражданстрой» бүлгэмэй барилга-хабсаралгын 3-дахи управлениин директор;

ПАВЛИН Борис Николаевичта - акционернэ «Бурятэнергострой» бүлгэмэй генеральна директор;

ПОЛЬЩИКОВ Валерий Ивановичта - Буряадай инженерно-барилга бэлдэлгын трестын проектүүдэй ахалагша инженер;

СМОЛИН Николай Ивановичта - акционернэ «Улан-Удэтрансстрой» бүлгэмэй барилга-хабсаралгын 834-дэхи поездын ахалагша инженер;

ФЕДОСЕЕВ Владимир Ивановичта - Зүүн Сибирийн түмэр замай

Северобайкальскын захилшадай бүлэгэй инспектор;

ЦЫРЕНОВ Аюша Цыбикжаповичта - Хориин аймагай захиргаанай барилгын болон архитектурын таһагые даагша.

«БУРЯАД РЕСПУБЛИКЫН ГАБЬЯАТА ЭНЕРГЕТИК»

БЕЛОКОНЬ Виктор Владимировичта - акционернэ «Бурятэнергострой» бүлгэмэй нэгэдэхи барилгын комплексн управлениин инженер-энергетик.

«БУРЯАД РЕСПУБЛИКЫН ГАБЬЯАТА ЭКОНОМИСТ»

ВИКТОРОВА Валентина Федоровна - акционернэ «Улан-Удэтрансстрой» бүлгэмэй генеральна директорэй орлогшо.

Ажалдаа амжалтануудые туйлаһанайнь түлөө Буряад Республикын Президент 1998 оной сентябрин 7-ной Зарлигаар республикын барилгын эмхинүүдэй хүдэлмэрилэгшэдые Буряад Республикын Хүндэлэлэй грамотаар шагнаха гэбэл:

АБАШЕЕВ Алексей Петровиче - акционернэ «Спецстроймеханизация» бүлгэмэй барилга-оньожоруулгын 1-дэхи управлениин асфальто-бетонщик;

КОРНЕЕВА Анна Николаевна - акционернэ «Жилгражданстрой» бүлгэмэй барилга-хабсаралгын 3-дахи управлениин штукатур-шэрдэгшэ;

КОРЫТКО Сергей Михайловиче - акционернэ «Сантехмонтаж» бүлгэмэй электрогагнууршан;

МИТРОФАНОВ Юрий Александровиче - акционернэ «Бурятэнергострой» бүлгэмэй 1-дэхи барилгын комплексн управлениин директор;

МАНЖИЧЕЕВА Августа Шагдуровна - акционернэ «Спецстроймеханизация» бүлгэмэй барилга-хабсаралгын 2-дохи управлениин таһагай начальник;

ПРОТАСОВ Юрий Григорьевиче - акционернэ «Спецстроймеханизация» бүлгэмэй барилга-хабсаралгын 2-дохи управлениин геодезист;

ЭРГАРТ Александр Робертовичта - акционернэ «Улан-Удэтрансстрой» бүлгэмэй автомашины жолоошон.

Үйлэдбэридөө амжалтануудые туйлаһанайнь ба үни удаан саг соо аша үрэ ехэтэйгээр хүдэлмэрилһэнэйнь түлөө Буряад Республикын Президент 1998 оной сентябрин 8-най Зарлигаар акционернэ «Сэлэнгын ЦКК» бүлгэмэй хүдэлмэрилэгшэдые Буряад Республикын Хүндэлэлэй грамотаар шагнаха гэбэл:

ЗАГИБАЛОВ Сергей Фёдоровиче - таһагай начальник;

СУВОРОВ Виктор Фёдоровиче - ахмад механик;

ШМАКОВ Анатолий Викторовиче - диффузорщик.

Аргаламжа-һэргылэлгын, эрдэмэй болон эмхидхэлэй методическа ажаябуулгада үни удаан саг соо аша үрэ ехэтэйгээр хүдэлмэрилһэнэйнь түлөө Буряад Республикын Президент 1998 оной сентябрин 8-най Зарлигаар Н.А.Семашкын нэрэмжэтэ Республиканска больницын отделение даагша **БОРОНОЕВ Афанасий Борисовиче** Буряад Республикын Хүндэлэлэй грамотаар шагнаха.

ЗАНШАЛТА МЕДИЦИНЫН АРГА БОЛОМЖОНУУД

«Заншалта медицина, тэрэнэй теориин болон практикын асуудалнууд» гэхэн семинар сентябрин 8-10-най үдэрнүүдтэ Улаан-Удэ хотодо үнгэргэгдэбэ.

Манай республикын урдаа хараха эмшэд, эрдэмтэд, мүн Москва, Томск, Эрхүү хотонуудай, Хитад, Монгол гүрэнүүдэй түлөөлэгшэд энэ семинарта сугларжа, заншалта болоһон түбэд-медицинын мүнөөдэрэй байдал, бээлүүлэгдээгүй шэнжэлгэнүүдые, шийдхэгдээгүй асуудалнуудые хаража үзэбэд, хөөрэлдэбэд.

Семинарай эхиндэ Буряад Республикын элүүрье хамгаалгын министр Баир Бальжиров сугларагшадта Росси дотор эгээл түрүүлэн Буряадта түбэд-медицинын шэнжэлэгдэжэ эхилһээр 30 жэл боложо байһан тухай хэлээд, түбэд-медицинын хүсөөр эмнэхэ арга бидэндэ бурханһаа, байгаалиһаа үгтэһэн юм гээд тэмдэглээ. Профессор Сергей Николаев түбэд-медицинын шэнжэлгэнүүд болон бодото байдалда тэдэниие хэрэглэхэ тухай хөөрөжэ үгөө.

Мүнөөдэр Буряад эрдэмэй түбэй заншалта түбэд-медицинын эрдэмтэд, хүдэлмэрилэгшэд элдэб талаар шэнжэлэгшүүдые ябуулна. Нэрлэбэл, тэдэнэр зүүн зүгэй химия-фармацевтическэ, фармакологическа, токсикологическа болон клиническэ, мүн бусад шэнжэлгэнүүдые ажалдаа хэрэглэнэ. Тиихэдэ Европын хэлэнүүд дээрэ эртэ сагай түбэд-трактадууд, эдэнэрэй тоодо, түбэд-медицинын атлас, эм домтой ургамалнууд тухай монографинууд, эрдэм шэнжэлэлгын суглуулбаринууд оршуулагдаад хэблэгдэһэн байна.

Манай ороной түбэд-медицинын эрдэм шэнжэлэгшэд ургамалнууд дээрэ үндэһэлһэн шэнэ эмүүдые клиническэ шэнжэлгэнүүдтэ хэрэглэхэ арга олонхой. **Борис БАЛДАНОВ.**

Эмхидхэн байгуулагшад - Буряад Республикын Президент, Арадай Хурал болон Правительство

<p>Ахмад редактор А.Л. АНГАРХАЕВ</p> <p>РЕДАКЦИОННО КОЛЛЕГИ: Б.М.Ж.БАЛДАНОВ (ахмад редакторай орлогшо), Г.Х.ДАШЕЕВА (ахмад редакторай орлогшо), Б.В.ГЫНДЫНЦЫРЕНОВ (харюусалгата секретарь), А.Г.ЛУБСАНОВ (Буряад Республикын Арадай Хурал), Д.Д.СУНДАРОН, таһагуудые даагшад: Н.Д.НАМСАРАЕВ, Т.В.САМБЯЛОВА, Д.Ш.ХУБИТУЕВ, А.Д.ТАПХАЕВ; В.И.ПИНТАЕВ (хэблэлэй директор).</p>	<p>Манай адрес:</p> <p>670000, Улаан-Удэ, Каландаршвилиин үйлсэ, 23, "Буряад үнэн" газетын редакци.</p>	<p>Газетэ хэблэлэй 1 хуудалан хэмжээтэй. Индекс 50901. Хэһэг 3.350 (хамта 20.000). Хэблэлдэ тушаагдаһан саг 17.00.</p>	<p>"Республиканска типографи" гэхэн АО-до газетэ хэблэлдэ. Директорайнь телефон: 21-40-45. Б-0079-дэхи номергойгоор бүрихэлдэ абтанхай. Заказ № 8419.</p>
<p>Редакциин телефонууд: ахмад редакторай - 21-50-96, приёмнын - 21-54-54, ахмад редакторай орлогшонорой - 21-68-08, 21-64-36, харюусалгата секретариин - 21-50-52, секретариин - 21-50-52, таһагууд: экономикын болон политикын - 21-55-97 (даагшань), 21-63-86, соёлой, түүхын болон залуушуулай - 21-54-93 (даагшань), 21-57-63, 21-69-58, 21-60-21, мэдээлэлэй болон рекламн - 21-62-62, 21-67-81, хэблэлэй - 21-33-61, оператор-корректорнүүдэй - 21-61-35, фотокорреспондентнүүдэй - 21-33-61, компьютерна түбэй-21-66-76, корпускын - 21-34-05.</p> <p>"Бурятия" хэблэлэй телефонууд: директор - 21-49-94, бухгалтери - 21-23-67, вахта - 21-60-91.</p> <p>Тоонуудай, бодото баримтануудай, хүнэй, шютагай нэрэнүүдэй бэшэлые хазагайруулһан ушарта авторнуудын харюусалгатай. Редакциин һанамжа авторайхитай адли бэшэ байжа магад.</p>			